

UNION TA HACI FORZA

"Eendracht maakt macht." Bao di e titulo di un proverbio Hulandes cu a cria barba, den un vespertino den idioma Hulandes, W.L. M. v.d. Burg, residencia na Aruba, ta plama cierto ponencia, cu ta exige contesta.

E number di e remitente ta bisa cu si e ta yiu di tera, lo ta di promer generacion. Automaticamente su meta ta resalta.

Pero tambe su cariño, su dignidad, y su sentido di "justicia. E remitente ta papia di union sin pensa ningun momento kico ta union.

Union, mescos cu amor no ta posible di un solo direccion. Ni maske cuanto otronan ta desee, lo e no por ser alcanza si tur e partidonan involvi no coopera boluntariamente.

E bon boluntad di e otro islanan especialmente Curacao ta bon conoci. E deseo di Status Aparte o Separacion no tin nada di haci cu Lago ni cu abundancia. Ya na 1848 e Gobierno Hulandes a proba esaki ora un Gezaghedder a ser nombra pa entre otro Aruba. E motibonan ta bon conoci.

Ora cu e promer grito di "los for di Curacao" a ser lanza na 1922, Lago no tabata tin ningun proyeccion pa Aruba, mientras cu Exxon Esso-subsidiario di Standard Oil Co. di New Jersey no tabata tin nada di haber cu Aruba promer cu 1934.

E movimiento di Separacion bao di Henny Eman d.f.m. no tabata tin nada di haber cu Lago ni cu afluencia. Si v.d. Burg conoce algo di e historia di Aruba, o a menos a leza e buki di Dr. Anne-Marie Kasteel tocante e desaroyo politico di Aruba lo e no por skirbi tal remitido. Libertad ta un sentimiento cu ta nace y ta desaroya den alma di tur genero di e ser racional cu nos ta yama hende.

E ta acopla cu cierto orguyo di ta pertenece na un localidad y ta reforza pa hopi sentimiento di dignidad propio.

E esclavo cu a haya libertad hopi biaha a lucha

pe sin nunca pensa ariba e posibilidad di muri di hamber ora cu ya su shon no ta percura mas pe.

Tuma Hulanda como ejemplo. Si "eendracht maakt macht" y abundancia ta e peso maximo den bida anto Hulanda lo a keda un provincia di Alemania, pasobra un entidad mas grandi, un union mas fuerte lo a trece un mercado mas extenso, asegurando un pan mas sigur pa e Hulandes siguramente.

Sinembargo, a pesar di e promer palabranan di su himno nacional, e Pueblo Hulandes, siendo primo ruman y bisiaña y mara pa tres mil aña di historia y sanger a prefera su independencia.

Su liberacion a tuma lugar cu ayudo di Aliadonan. "Lang leve die rot Amerikanen".

Awor Hulanda no ta un potencia di promer categoria den ningun sentido di e palabra. Pesey no mester laga tamaño ni cantidad di habitante pisa asina hopi. Pasobra ke hubo di San Marino, Andoria, Monaco pa menciona tres pais Europeo?

Con grandi bo ta kere cu nan ta y cuanto hende ta biba aya? Cuanto placa nan tin? Di kico nan ta biba? Especialmente stampilla ta nan negoshi, a menos di dos.

Nan tin derecho di ta libre pasobra nan ta Europeo?? Stampilla propio y moneda propio ta posible no necesario riba e promer dia di Status Aparte.

Pa loke ta toca un compania aereo propio, bo tin un idea con ALM a cuminsa y con ta pague con Antillas di cinco lo sigui pague?

Pa loke ta toca defensa mi por bisa cu na 1985 Hulanda no ta mas capaz pa defende su mes cu na 1940. Suiza ni Costa Rica tin ejercito.

Aparentemente Sr. v.d. Burg tin un temor enorme pa dia cu placa ta bira scars. Y pa e maldita placa aki lo no importa Sr. v.b. Burg di yuda trapa e derecho di e Arubiano cu ta libre.

A propos; dia 18 di Maart 1983 Aruba no a opta pa un Status Aparte. Nos a opta pa independencia y Status Aparte no ta nada mas cu diez aña di preparacion y cumplimento cu formalidadnan. Mi ta contento di sa cu Hulanda ta preocupa cu tur loke tin di haci cu justicia.

Cual di nan? Justicia di Oost Indie promer cu el a haya independencia? E accionnan policial na Java ta bon conoci. E Ambones na Hulanda por papia hopi ariba e topico aki.

Talvez bo no ta na haltura cu debi na e metemento di boca di e seis no-Arubiano Hulandes, tratando di mantene e seis islanan hunto tabata e

motibo mas grandi pa e Arubiano encapricha y sigui e lucha.

Tur Arubiano lo desea e mihor pa su isla. Tur Arubiano lo kier coopera pa un mihor futuro. Pero ningun Arubiano digno di e number, conociendo historia di e rivalidad entre Aruba y Curacao, sabiendo di e parti bergonzoso cu Hulandesnan Europeo a hunga den esaki, por hala un paso atras.

Pa un man yend i placa sigur cu no. Aunke bo por tin razon Sr. v.d. Burg. Tur pais tin nan

E problema cu ta confronta nos na Aruba ta cu algun no-Arubiano ta persisti di hunga e papel di traidor.

E Arubiano, tanto esun

di nacemento como esun di adoptacion o conviccion, no tin interes den 30 placa di plata. Ta pesey e yamada pa cooperacion di v.d. Burg parce colaboracion.

Mescos cu v.d. Burg mi tin un deseo. Ya cu lago ta bay ta justo pa e hiba tur loke el a trece.

Por ultimo mi kier mira un referendum limita na esnan cu a radica aki promer cu dia 1 di Januari 1925 o nan decendientenan. No pasobra cu tin desconfianza di otro nan, pero pa asegura cu cariño, dignidad y justicia ta e promer exigencia pa forma un Aruba di futuro.

Julio Maduro

A CLARATORIO

Pa evita cualquier mal comprendemento mi kier a aclarar, cu ami Silvio Rasmijn, biba na Paradera 108 y trahando na Rosa College, no tin nada di haber cu un remetido cu a sali

den DIARIO, dia 13 di Maart, firma pa un tal "Silvio Rasmijn di Paradera".

Ami jamas lo scirbi un remetido contra maestro nan, como cu ami mes ta un maestro y mi tin dos

ruman mas, cu tambe ta maestro di school.

Atentamente,
Silvio Rasmijn,
Paradera 108.

SAVE 20%

3 DAYS ONLY

THURSDAY trough SATURDAY

Ladies Slacks 20%

20%

Men's dress
Pants

Ladies &

Men's Jeans

REGULAR or SALE PRICE.

WONGCO